

陝西橫山縣志
一卷

民國十六年

陝西橫山縣志

于右任



橫山縣志序

橫山為懷遠舊邑志乘失脩久矣民元以來各縣設局採訪皆以脩志為急務而脫稿者甚夥今橫山邑紳以其同人所纂新志示余余詳加批閱喜其綱舉目張有條不紊能繼何君舊志之後知是邦固大有人在矣夫橫山北境昔有統萬城焉攷赫連之古蹟於歷史有重大關係是則斯志之成不得視為尋常紀載可知也况當國體改革百度維新教育實業之提倡自治警察之設施悉分門別類縷述於篇又能開前志之未有策後事之進行至於闡揚節烈臚列名宦足以動人觀感擇必精語必詳洵可備輶軒之採矣余治軍陝北有年每過白城舊墟不禁歛歔憑弔且以舊志與斯志參觀此八十餘年中迭經狃亂匪擾而戶口比率竟較前有減無增撫今追昔可勝歎哉所願與民休息加益生聚教訓再瞻民族之進展可也余既樂觀厥成今因殺青有日故不辭譎陋

橫山縣志

卷一

一

榆林 東順齋石印

為弁數語於簡端

中華民國十八年四月一日

國民革命軍
第二集團軍

暫編第十八師師長蒲城井岳秀序

橫山縣志序

一邑之重有志以其為文獻所薈萃功同於史足以信今而傳後也惜秉筆者往往傳會災祥侈飾名勝且束於成例有褒無貶託體由是不尊而作志之初意亦幾浸失矣惟康對山氏撰武功志並書宦績美惡章實齋氏作永清諸志一切繩以史裁志例初闢識者踴焉竊嘗謂今作方志豈僅備國聞毗掌故而已哉要在開物成務民用利賴俾覽者於其地之形勝攻守食貨民族政教禮俗殖業土宜一展卷輒晰其利病而無遺舉凡政治設施胥克憑為良鑑庶其書為不徒作也在昔之時或有顧忌拘孿未易伸意今當革命成功咸與維新之會凡昔之敝陋正可概予刊革倘仍慊慊因襲則甯不重貽識者羞乎私懷此悵積有成年頗擬仿朱氏吳郡記叅以章氏義法經緯故實成里乘一家之言祇以塵事牽冗卒之未果頃得曹君穎生學長來書云近為其梓里橫山縣

橫山縣志

卷一

二

榆林東順齋石印

脩輯志乘已將殺青屬為作叙橫山為榆林舊屬唐宋屬夏州治兵爭頻仍代有聞人曹君懷才蓄德允推物望同纂諸君亦皆鄉耆宿學他日書成垂之成禩必能矜慎足徵儕諸信史為志乘前途放一異彩不讓康章諸氏專美於前聞之竊喜爰掬罄愚管寄質曹君以當商榷云爾

中華民國十八年夏六月石梁何錫麒葛民甫謹序於新都旅次

橫山縣志序

橫山之名何自而昉按顧祖禹讀史方輿紀要載宋种諤復綏州漸窺橫山以西功雖不成而寇患益少盖橫山朔方大磧也沈括言盡城橫山瞰平夏則彼不得絕磧為寇种諤亦言橫山延袤千里多馬宜稼人物勁悍善戰且有塩鐵之利夏人恃以為生其城壘皆控險足以守禦據此則所謂橫山者就揄綏一帶言之也明洪武始定陝西築響波懷威清五堡清初因明制仍設衛所雍正九年巡撫碩題請改置郡縣以懷遠堡為縣城兼轄波響威清四堡民國三年改名橫山盖以懷遠與安徽廣西屬縣有同名之嫌且其地北控蒙古東銜榆林西接靖邊南與綏德米脂安定犬牙相錯為橫山山脈之要塞因改今名欲人顧名而思義也清代邑令蘇何兩公編輯懷遠縣志詞旨簡明足資攷核已為橫山縣志之先導民國十年鞏縣劉公治堂攝篆是邦倡脩縣志邑紳耆曹

橫山縣志

卷一

三

榆林 東順齋石印

端卿君旁搜遠紹編輯是書其哲嗣穎笙輔成之不特將縣中之道里村鎮山脈河流詳明如繪且於選舉人物名宦物產風俗教育實業交通財政政治藝文皆條分縷晰筆之於帙可謂留心於社會學者矣曠覽歐西各國講求是學者無不將邑埠中諸大端編纂立說宣傳於一時流行於後世此所以進化甚速也乃吾中國則不然歷代相沿皆重家庭而不重社會一邑之事蹟屬於社會者也老生宿儒或以為與家庭無關置若罔聞所以遐陬僻壤非無選舉也而名籍莫攷非無人物也而湮沒弗彰非無名宦也而功績特隱非無物產也而盈朒難分非無風俗也而抑遏不播非無教育也而成效鮮著非無實業交通財政政治藝文也而技巧未陳曲折未辨出入未稽籌策未詳後之人即欲因時改良何從措施簡陋自安不求文明推其極將如黑人紅人不能逃天演淘汰可不瞿歟曹君有鑒及此爰輯是志將一邑之事物包括靡遺倘留心社

會者瀏覽此書注意實行使荒僻之地變為繁庶之區則陝北之民莫不共頌
曰著作之功侯其禕耳

民國十八年己巳孟秋米脂杜良奎叙於榆陽東山之麓

橫山縣志序

縣志者資治之書也濟南宦遊關中閱十餘年歷署府神榆葭延川等縣幸免大戾揆厥所自得力於邑乘為多辛酉春捧檄來橫橫居萬山叢沓中為橫山主峯所在南連上郡北接蒙疆幅幘遼濶古稱難治公餘遍歷縣境諮詢民間疾苦見其土地瘠磽而物產鮮少風俗敦龐而戶口凋零自維菲薄隕越是憂訪求邑志罕有存者蓋是版毀於獯亂而書盡散佚後偶獲覩一部猶得自省垣書肆噫縣之有志亦猶國之有史也志而如此其危矣哉爰先籌資付印用防佚失復念是志為山陰何公保如手輯由道光壬寅迄今又近百年其間政治之沿革學校之興廢人文之盛衰丁口之增減以及循良治績耆宿懿行孝義節烈堪以列載者若不及時蒐羅漸歸湮沒將何以上酌前哲下貽後來乎邑耆曹端卿先生博學淹通慨允樂成更廣集諸薦紳莫不踴躍奮興願勸盛

橫山縣志

卷一

十二

榆林 東順齋石印

舉因設局續脩分區調查越二年先生仙逝穎生上承先志熱心賡輯凡在壬寅以後詳訪博採以期無濫無遺若人物金石事有確徵而舊志偶遺者亦必搜輯補訂入古廟而覓殘碑攀危岩而探勝蹟其勤苦有足多者未觀厥成濟南卸任去賴諸君子攷稽彙纂體衷諸正論協諸公質實詳贍以成一邑之信史逖聽之下其慶欣為何如也因述顛末用弁簡端非敢謂筆路籃縷但由今思昔情志頓殊後之生於斯官於斯者亦將有所觀感焉

中華民國十九年五月吉日前署橫山縣知事豫西鞏縣劉濟南撰

橫山縣志序

嘗攷周禮地官大司徒之職在周知地域廣輪與人民之數土訓則掌道地圖誦訓則掌道方志誠以為政之道必先洞悉本源故古聖人特設專官以備諮詢又春官宗伯之屬小史掌邦國之志而周志鄭書等類遂盛稱於一時外史掌四方之志而晉乘楚檮杌魯春秋之名復籍甚於當世可見志嘗自古為重矣降及後世地輿測繪名物調查日益精審復有宿儒碩彥綜合古今事實分門別類備載於篇以垂永久在省則有省志在縣則有縣志使後人一覽而明籍資攷鏡稱為吾國 獻之大觀豈虛語哉橫山僻處邊徼地居要溢赫連崛起築城統萬西夏負隅又用兵其間亦一時形勝之區也自有清設縣以來蘇志修於前何志續其後以荒遠小邑而有詳明紀載繪災人口珍同拱璧矣洎民國肇興邑改今稱志之失修已數十年而革故鼎新舉學校警察諸要政次

橫山縣志

卷一

十三

榆林 東順齋石印

第畢施為前志所未有長此再不續脩則年湮歲遠將有遺忘余於十七年秋捧檄來宰是邑邑紳曹君穎生兩山昆仲以尊翁所輯新志示余余披誦數過喜其體例精當徵引翔實且於甄錄之中復厲褒勸之志其維持禮教改進政治之隱衷溢於言表曹君雅擅三長諸同人又能採訪無遺皆是志之功首也獨惜近年以來迭遭荒旱比歲弗登流離死亡戶口銳減余謬承其乏更不能不於所載義倉積穀水利種植諸項注意進行焉語云前事不忘後事之師是則斯志之成實為官斯土者之政治導師也余雖不文能不歡欣鼓舞而勉獻數言於篇首耶

中華民國十九年六月穀旦署橫山縣縣長山西榮河張斗山謹撰

橫山縣志序

國有史所以存一代之典章法度與政治之隆替也邑有志所以明山川辨土宜詳物產觀風教也故史必綜合版宇提綱挈領其用也普志則限於方隅其體也狹範圍雖不同然其體例方義固二而一者也周官外史掌四方之志小史掌邦國之志街談巷語野史稗官之屬采摭上達操之外史且行人有五書之獻職方有圖籍之聚太史有風詩之陳蓋制度由上而下采摭則由外而內也采摭備則制度精制度精則政事成自古以來未之或易橫山為歷代兵爭要塞屬古夏州境自赫連氏築城於晉李元昊跳梁於宋竊據撻伐兵燹屢遭迨明季套寇犯邊士馬干戈擾攘直無甯歲生民之塗炭極矣因是延撫余公子俊北起長城內繕營堡屯軍治邊皇處不甯而邑之五堡厥由是始清初編定營制移中協副總兵於波羅迄雍正九年統五堡舊有之營壘併延榆綏三

橫山縣志

卷一

五

榆
林東順齋石印

衛之屯地改設懷遠惟時去李自成周世民之倡亂未遠地方摧殘幾無噍類且僻居塞下氣候高寒其民少陂陲砂磧土脉枯瘠其俗儻歲運多歉飢饉流離其生苦欣得賢父母蘇公斬荆棘興廢置闢荒勸農勵精圖治不十年而生聚教訓蔚然改觀矣公於庶政之餘咨詢蒐討手編懷遠縣志俾後之人賴有攷鏡垂八十餘年山陰何公保如復搜羅散佚重輯四卷二十三編攷証賅實聿成未有之觀第人事滄桑散失已以光緒戊申李令仁山得是志於青門書肆幸其首尾尚無脫畧邑人慶幸藏於高小校之圖書室殆鬼神呵護留此一綫之延俾得綿綿弗替者歟民國建元數謀續脩卒以軍事倥偬未果辛酉春中州劉治堂先生奉命署篆四載經營銳意刷新教育人文郁郁乎開前此未有之盛時召余而言曰橫山風化簡樸邑乘乖緒尋屆百年其間浩劫屢經今昔異宜倘失今不圖則湮沒於蔓草荒煙者正復可慮此余從諸君子之後而

皇然難安也願賴吾子即時為之以期有成余油然生感仰見先生之熱心庶政治具之畢張也自分衰朽不學不能追騁古人但以邦獻阨危環顧茫茫若再縻以歲月則併此落落僅存者亦將概歸烏有斯又余之所大懼因敢黽勉從命協力纂輯并承紳學士夫襄助採訪不一載而粗具崖畧別就耳目之所及者採取覈閱攷其闕者補之畧者詳之於地理官師物產諸志外另闢教育實業交通財政政治都為十五編詳其既往兼注重來茲是役也讐校改訂歷寒暑者四其中遺漏謬訛在所難免然知舉見述之責則畧盡於是矣異日者旁徵近事上續前志或備鄉土教科直觀之選或資布政興利除弊之用鼓舞後生開物成務是所望後之君子深共勉之耳

中華民國十四年正月元旦日

清部銓州判邑拔貢曹子正端卿甫撰

橫山縣志目錄

卷一

繪圖

地理志 山脈 河流 池沼 地質 氣候 形勝 古蹟

官師志 知縣 叅將 明軍官 補前代文武職

選舉志 拔貢 貢員 武舉 文職 武職 廕襲 軍功 各級學

校畢業生

人物志 忠畧 義勇 孝弟 賢哲 義行 節婦 烈女 隱逸

方技 前代鄉賢

卷二

名宦志 附前代政績

橫山縣志

卷一

七

榆林東順齋石印

建置志 堡鎮 祠祀 公所 庄村戶口附沿革 古墓

紀事志 附傳記

卷三

物產志 植物 動物 礦物

風俗志 禮俗 習慣 宗教

教育志 學校狀況 教育沿革 各級學校一覽

實業志 農 工 畜牧 產業 森林 水利 商務

交通志 郵政 道路 水運 市集

財政志 金融 田賦 稅收 公債 地方財政

政治志 自治 警政 團防 社會 賦役百戶 自治區域

卷四

橫山縣志編纂姓氏錄

監修

簡任職署理橫山縣知事河南鞏縣

劉濟南

橫山縣縣長山西榮河

張斗山

編輯

清拔貢候銓州判

曹子正

採訪

陝西高等巡警學堂畢業橫山縣警佐

李迎春

清廩生二等義賑獎章孔廟奉祀官

魯進賢

陝西師範學堂完全科畢業縣立高級小學校校長

曹思溫

陝西省立第一師範學校修業縣教育局局長

魏長城

橫山縣志

卷一

九

榆林東順齋石印

橫山縣縣議會議長

吳炳文

清拔貢山西即銓州判第一屆省議會議員

李駿材

清武生橫山縣縣議會議員

魯炳業

清廩生橫山縣縣議會議員

劉建業

清 庠 生

劉學尹

清 庠 生

黃居憲

清 庠 生

張步閣

清 庠 生

李國棟

縣立第一高級小學校校長

陳振善

縣立第一高級小學校教員

錢維新

縣立第一高級小學校畢業

管治齊

縣立第一高級小學校教員

郭致遠

紳士

白雲峰

縣立第一高級小學校畢業

周大忠

參校

日本法政大學卒業陝西省議會議員

曹思聰

繪圖

橫山教育視察員

李鴻材

繕錄

北京國民大學修業

曹丕傑

縣立第二高級小學校畢業

郝振聲



例言

- 一本編上續何志至清末為止其已詳懷遠志者茲概不書
- 二 民固事實有關紀載者悉旁徵摘要附錄於後
- 三 地理縣境五堡各繪分圖並隨方計里俾知距離其山脈河流確有攷證者復依條更正以期翔實
- 四 官師選舉人物名宦諸志除將採訪道光以後之姓氏事實按門續誌外所有前代之文武官職及鄉賢政績均遴輯列載藉垂不沒
- 五 建置志之庄村戶口向無統計本編分區調查用示盈虛實在
- 六 紀事為地方治亂安危所繫因擇書史有關紀載者皆按年編入而僭國傳記並附其尾
- 七 文化速率視物質之精麤為導綫本編滙集邑內動植礦三部物產各詳性形用途以資將來改良研究
- 八 風俗為人類生活儀文之表現故冠婚喪祭之禮與嗜好習尚之別其繁簡優劣關係民生至重且大不可不詳惟歲時節令已述何志者茲不復贅
- 九 教育實業交通財政為新時代社會事業之所趨競因分別攷察詳紀實況為憲政建設之基礎
- 十 政治問題範圍最廣本編惟就警政團防自治社會諸項沿革畧備梗概而官廳局所屬於國家普通組織者不詳
- 十一 橫山素為鄙蔽無文之鄉而文藝徵集尤感困難然妄事點綴牽強成篇尚希邦人君子曲諒示教

橫山縣志卷一

繪圖

一 橫山縣境全圖

二 響水堡圖 口外伙盤地附


三 波羅堡圖 口外伙盤地附

四 懷遠堡圖 口外伙盤地附

五 威武堡圖 口外伙盤地附

六 清平堡圖 口外伙盤地附

橫山縣全境圖




符 號	
○	回縣城
□	鎮
●	百戶以上村
△	百戶以下村
•	五十戶以下村

波羅堡




響水堡





烏水連名
 都魏因置
 縣稱巖綠
 龜茲舊古
 國宗始屯
 兵命狄青

張子敬先



橫山縣志

地理志

一面積 東西二百五十里南北二百八十里

二疆界 橫山縣治在榆林道治西一百六十里東至榆林縣界一百里西至三道河靖邊縣界九十五里南至大理河中川米脂縣界一百五十里下川綏德縣界一百三十里上川安定縣界九十里北至邊牆二十里東南至馬湖峪米脂界一百八十里西南至卧牛城安塞縣界一百七十里東北至官莊灘榆林界一百二十里西北至石渡口靖邊界一百三十里南距省會一千四百二十里西至靖邊縣治二百一十里東南至米脂縣治二百二十里北與蒙套鄂爾多斯部之烏審旗接壤

三山脈 縣境橫山山脉自西而東橫斷聳峙起伏無常茲就有名可舉者誌

橫山縣志

卷一

六

榆林東順齋石印

之

橫山 即古橋山在縣西南一百六十里冷窰子鎮大理河南岸俗稱小南山為橫山主峯高出地面一千二百尺與甯條梁之草梁山相連直接寧夏諸山橫亘千餘里宋元豐中种諤上言橫山延袤千里多馬宜稼且有塩鐵之利其城壘控險足以守禦即此

五龍山 在波羅堡東南三十里山勢挺峙如五龍迴旋上有殿閣建自

唐代

馬鞍山 在縣東南土門堡北五里山形似馬鞍故名

盤龍山 在縣東南八十里響水堡山橫江怪石盤繞無定河邊上有寺宇明季成化年建為一方屏障

龍鳳山 在縣西三十里頂有古寺高出雲表

牛心山 在縣西南五十里

赤木山 位牛心山西距縣城六十五里

仙橋山 在石灣鎮西北距縣一百六十里天生奇石結架山腰如橋

九龍山 在大理河南距縣一百七十里山極高大周列小山九座儼若九龍盤繞之勢巔有龍神遇旱禱雨輒應

大墩梁山 在縣西南一百五十餘里大理河北岸山峰峻極萬嶺莫及上有土墩一座為宋代屯兵瞭台人登其上望百里岡嶺皆平凹曉曙可眺榆林

烏龍洞 縣西南百四十里柴家河村谷口瀑布飛下約七八丈仙雲繚繞稱奇觀也洞在山半壁中大洞口有二水從洞出含香氣土人禱雨取水或深入十七洞俗云洞可通寧夏

烏龍口 在清平堡西南二十里山連邊墻洞口泉味甘冽元季鄉人鑿石

橫山縣志

卷一

七

榆林東順齋石印

祀神其內

香爐山 一名小墩梁在威武堡東南二十五里

老虎塢 在縣西南一百里上有魯將軍光昌墓

箭捍嶺 在清平堡南二十五里王家河

火石山 在清平堡西南七十里大理河北

峒軻轆山 在响水堡東五里無定河南岸上有古寨城跡宛然相傳宋時要塞 按北史刁離表薄骨律鎮疑即此

龍泉寨山 在縣東南一百六十里王家瓜村山勢雄峻為宋龍泉寨

石磊磊山 在响水堡西十里寺則溝俗云即古鴻門寺山有古城周約二里許旁有石塔建於明代嘉靖間

大爐峒山 在懷遠堡東百里黑木頭川源山勢突起高冠衆嶺

寨城梁山 在波羅堡北十里上有土寨

金台山 在响水堡南六十里上有寺宇

四河流 縣境山嶽連亘河流錯綜其水勢較大者東為無定河西有大小理河斜貫沖注支流歧出故詳述之

無定河 即奢延水一名朔水俗名滉忽都河為古生水源出靖邊縣之寧塞堡攷靖邊志引其源有三一出寧塞堡東南四十里清水溝一出寧塞十里喬家南溝一出把都河舊城子三水北流經鳴怪溝至大岔合流即紅柳河也又北十里中有土埠名無定寨經小橋畔流五十里入蒙地東北至懷

遠堡口外繞白城子折南流有西來之黑水打浪河石壑川諸水注焉再東南流至三岔河合海流兔河及圖水由波羅堡入邊會大川溝水而塞外之硬地梁河沙河芹河來會又東南四十里至响水堡北注黑峁墩河黑木頭

橫山縣志

卷一

八

榆林東順齋石印

川水柿子溝水東經天生橋兩岸峽石流湍十里會塩子溝水入榆林界之魚河堡會榆溪河出境再東南三十里流經縣屬三皇廟孫家園子至榆林鎮川堡經米脂綏德至清澗屬之兩河口入黃河

按延安府志引山海經孟山生水出焉孟山西二百五十里為白於之山洛水出其陽注於渭夾水出其陰東流注於生水夾水當即今之紅柳河也今靖邊縣南有白路山疑即白於之偽洛水出山南此水出其東是兩水為一分水嶺且與山海經說吻合矣再是水在靖邊為紅柳河以寧塞清水溝東源有紅柳溝其東北流合莜麥河因其水發源於莜麥城故有是稱也

圖水 俗名蘆河源出靖邊有東西二河西河源出新城堡西南石頭溝莜麥城其東河源在新城堡東南二十里之門漢岩均東北流環繞鎮靖城北

相會又五里出邊迤北十五里過張家畔再流五十里至清平堡邊外之烏龍口折而南流入邊南至祁家園予與西來之龍州堡寺灣河相合經清平堡北東流有清水河柳泉兒狄清河諸水來注再東四十里野人溝蘆溝河圪奔溝石窩川水先後來會經威武堡响鈴塔復東會苦水溝馬英溝諸水繞橫山城北東至磚廠溝北流出塞逕寨城梁至三岔河與西來夏河合入無定河

按蘆河命名失攷查威武堡北有蘆溝靖邊新城河源有蘆子坪疑係因此得名延綏鎮志以滉忽都河出龍州堡南宜家畔攷龍州堡寺灣之水為圖水支流非正源也其誤指圖水為滉忽都河源非是

黑木頭川河 在縣東南五十里源出威武堡之鄧王家塢東流經米脂地至縣屬韓家岔入境再東經吳岔殿集市五龍山諸小水來會水勢漸大再

東至鮑家寺宋水溝河注焉至响水堡之韭菜溝入無定河

按舊志載是水至鮑家寺合寺子溝水殊非是攷寺子溝別成一川至响水堡直流入河北距黑木頭川五里截然兩源各流而鮑家寺水係宋水溝河也特附更正

大理河 在縣西南百五十里發源靖邊縣老虎腦山東流至李邱家坪入境經石灣鎮麒麟溝再東至巡檢司合小理河入綏德縣境

小理河 在縣南一百二十里源出清平堡東老虎塢東南流經水地灣油房頭至巡檢司入大理河

石窩川 即古黑水一名烏水在縣北由威武堡塞外東南流逕懷遠堡東入無定河晉書紀赫連勃勃於黑水之南營都城 按此河在統萬西南甚不合

打狼河 發源縣北蒙地自 東南流逕懷遠堡口外再流至波羅堡西
北入無定河

柳溝河 在縣東由米脂界東流入縣境十里至波羅高辛庄入無定河
海子溝 在縣西七十里發源清平堡逕威武堡境北注圍水

寺子溝川 在縣東南八十里發源米脂野毛山東至高文掌入境流四十
里經鴻門寺至响水堡入無定河

塩子溝川 在縣東南一百里源出米界東北馬蘭地入境經金台山北五
十里至馬坊嶺入無定河沿川昔盛產塩

馬湖峪川 在縣東南一百六十里跨橫綏米榆四縣地由綏米界東經縣
屬武家坡馬昂百戶流八十里入榆林地

沐浴溝水 在縣東南八十五里响水堡東

橫山縣志

卷一

十

榆林東順齋石印

新開溝水 在響水堡東三十里東流至歸德堡入榆谿河

黑峁墩河 在响水堡北自保寧堡南流四十里入無定河沿溝田頗肥腴

方家河 在响水堡北二十里由邊南流十五里入河

沙河 自縣東波羅塞外大西溝南注於河

濫泥灣水 在波羅堡東二十里上下兩溝均東注於河

樊家河 在波羅堡東五里注於河

芹河 導源邊外南流逕大二石碓注無定河是溝在波羅堡東長三十餘
里膏腴肥沃水草豐美

大川溝水 在縣東二十里由米境東逕三捷關至大川口入無定河

硬地梁河 自波羅口外廠丈灘南流四十里入無定河

海流兔河 在縣東北自波羅堡邊外烏審界南流其支流補浪河至魏家

峒來會再南流至寨城梁入無定河 按蒙古語海流為黑疑此即古黑水

夏河 由清平堡塞外東流至雷龍灣注無定河

寺佛峒溝水 自縣南米脂界流入境逕繞縣城西入圖水

古水川 在縣北二十里由威武堡西境東流至古水鎮入圖水

狄清河 即清水河上源由威武堡西狄青原東流逕赤木山會清水河至

楊小川入圖水

蘆溝水 自威武堡塞外南流入圖水

野人溝 自縣西威武堡塞外南流注圖水

馬英溝 在懷遠堡西南注圖水

大水溝 由清平堡南柴壩子南流至大水溝口入大理河

柴家河 在清平堡南由烏龍洞南流入大理河

橫山縣志

卷一

十一

榆林 東順齋石印

五池沼

鴛鴦池 在縣西四十里清波澄澈兩股連環故名

陰陽泉 在縣西北三里海子溝峻崖下有泉其水半清半濁初流出尺許

絕不相混年久泉為沙壓

鸚哥海子 在縣東一百一十里一名楊官海子當年潦泊周圍約三四里

今漸涸小外有曹海子土鵝海子其泊均乾附近耕作

鬧泥海子 在波羅堡口外

烏綠素海子 在波羅堡口外

黑海子 在威武堡北口外

紅市川泊 在清平堡北紅市川泊介兩山灘潰頗廣牛馬觸輒淹沒

六地質 地接邊塞其北龍沙障天橫亘數百里草木鮮生溝中導水間可耕

鑿口外伙盤土黑潤濕境內地屬黃壤土質鬆疏無定河流域土多挾沙西南大小理河沿岸地質肥饒厥田為上也縣屬地質大別為沙田沙土田黃土田膠泥田四種

七氣候 縣境四季氣候乾燥寒暖不時暑夏每值吹風冷凍異常冬無風雪有時和煦惟寒九河流結冰沅岸非裘不足禦寒入春必過清明農耕始興近年常苦亢旱恒暘不雨而春初至夏朔風暴烈飛沙蔽日山岳高田苗稼時遭侵害

八形勝 橫山宋為防邊名砦明季當塞上衝要設堡築邊捍衛內地龍沙環繞於北圓水襟帶其東前屏橫山後擁長城舊為延綏中協營壘所在鎮志謂波羅响水去邊較近威武清平邊垣臨險阻高峯峻坂可據現就關隘擇述之

橫山縣志

卷一

十二

榆林 東順齋石印

三捷關 一名斬賊關在縣東二十里馬鞍山萬山環叢中通一道頗稱險要上有武安王祠為明天啟年都督同知杜宏域隨大將軍西征於此奏捷賚功因關建祠

五龍山寨 波羅堡東南依山築城高峻險要下有市鎮

仙橋石寨 在清平堡南石灣鎮就大理河石崖穿洞十餘級分三層鞏固天險

石門砦 距波羅堡十里

懷德關 在波羅堡南

威武關 在威武堡西

土門堡 縣東南二十里懷遠堡屯軍城今廢

大兔鶻堡 在縣西南八十里威武堡舊城今廢

白狼城 一作白洛城清平堡南四十里明宏治中築形勢險峻

卧牛城 在清平堡西接靖邊界

平夷堡 在縣東七十里舊有土城平漫今廢

九古蹟

統萬城 俗喚白城子即夏州在縣北邊外無定河北岸晉義熙三年夏赫連勃勃築都於奢延水之北即此北魏為統萬鎮唐改夏州朔方郡屬朔方德靜寧朔三縣為定難軍節度使所在宋為夏州嗣被李繼遷所據淪為西夏地

渠搜故城 在夏州北即周之城康北發渠搜地

奢延故城 在夏州西南漢奢延縣治

朔方故城 在縣北境

橫山縣志

卷一

十三

榆林東順齋石印

巖綠縣城 在縣北境後魏化州郡領元和志朔方縣後魏置巖綠縣

德靜縣城 在縣西 以上俱詳舊志

宥州故城 在清平堡西四十里靖邊界圍水入邊處現被水沖刷為二即

宋宥州故治

古城子 在波羅西北三十里城半跨山形勢巍峩瓦礫甚多銅鈔類半兩

五銖西門外有馬路一道直通統萬

白城臺 在波羅口外五十里無定河西城係白土所築甚大四門宛存西

南距古城子三十里

狄青原 在清平堡南二十里原周十數里高平如磐為宋將狄武襄屯軍處下有飲馬泉

龍泉砦 在响水堡東八十里王家坵山巔東與永樂城對峙為宋所築

鴻門寺城 在响水堡寺子溝東石磊磊山上有古塔明萬曆時建

朱衣閣 在縣城東門外山巔明建今廢

望胡臺 在波羅堡城內明時瞭胡故址

響鈴塔 在威武堡城西明季有白鶴巢其上

余公砭 在縣城西二里成化時延綏巡撫余子俊督修

烏龍水口 清平堡西圍水入邊牆處明萬曆九年兵備道吾文公砌修有禮部尚書于慎行記

天生橋 在響水堡東三里昔河廣半里岩高數丈水由此瀑布成化年有僧從下穿鑿三洞導無定河伏流其中怒濤奔騰湍激如雷足力為之動搖行旅往來恍履鰲背稱奇觀焉乾隆三十一年知縣談恕行倡脩咸豐七年填造光緒二十二年砌渠

太極圖河 圍水至縣城北曲折潑迴形如太極

橫山寨 在清平堡西南大墩梁山一名种諤壘砦高據絕巔登覽如繪石砌壁壘形跡可尋為宋种諤防禦西夏屯軍重地
清邊砦 西至龍泉砦二十里

橫山縣志

官師志

懷遠縣知縣

清

按舊志知縣至何公炳勛止茲仍依次續誌

初慶酈

道光二十五年選授接何任

俞子靜

浙江人咸豐五年任

王道立

河南人咸豐九年任

鄒長泰

進士同治二年選授到任

劉昌藩

江西宜春縣人同治五年到任七年正月狷匪陷城殉難北京漢軍旗人同治八年任十二年二次委署撤任河南人同治十年任

蔣

同治七年三月由道委署

史柏

字曉滄直隸正定人翰林院庶吉士同治九年任滿州正黃旗人同治十二年任

胡元照

字曉滄直隸正定人翰林院庶吉士同治九年任滿州正黃旗人同治十二年任

王國立

直隸知州用同治十三年任

碩山

字廣伯河南新蔡舉人光緒元年實授到任

王光烈

字建侯甘肅皋蘭人進士光緒五年任

李嘉謨

字子端河南羅山拔貢朝考實授光緒六年到任

顏豫春

字建侯甘肅皋蘭人進士光緒五年任

李正心

字子端河南羅山拔貢朝考實授光緒六年到任

橫山縣志

卷一

十五

榆林東順齋石印

汪國勛

安徽人由軍功保舉知縣光緒九年任榆林道差員光緒十五年由府委署一月

李士塏

字爽階湖北嘉魚進士光緒十二年任十五年正月病故字子疇湖北武昌進士光緒十五年選授

尹廷選

四川拔貢朝考知縣光緒十八年三月到任

王策範

滿州鑲黃旗人舉人光緒十九年任

吳俊棠

字雅琴四川酆都縣人光緒二十年任

魁印

字子馥四川漢州人丙戌翰林院庶吉士光緒二十一年實授到任字若卿浙江山縣例貢光緒二十八年任

尹世彩

字文卿甘肅岷州進士光緒二十六年六月到任

朱組綬

字仁山河南新蔡縣人光緒三十三年到任

章春芳

字子仁浙江歸安縣監生光緒二十九年由洋縣調任

李壽昌

字惺予河南固始縣人甲戌科舉人光緒三十四年實授宣統三年到任

范錫光

字棣芬廣西臨桂縣舉人宣統二年九月署任

秦駿聲

字仁山河南新蔡縣人光緒三十三年到任

橫山縣知事

民國

李世英

字棣生湖南湘陰縣人民國元年七月到任

楊仲傑

字芳村陝西平利縣人民國二年五月到任

張純瀚

字海如富平縣人民國三年八月到任

王彭齡

字少椿浙江山陰縣人民國四年任五年九三捲逃

郭雲程

蒲城人民國五年道委代

閻佐周

湖南人

張之興

字孟平浙江建德人六年六月道委代

張純瀚

民國六年十月復任

張本睿

字文丞鄆縣人八年九月任

巫嵐峯

字峻嶺河南滑縣人九年三月任

劉濟南

字治堂河南鞏縣人十年三月到任十四年五月去任

懷遠縣訓導

劉振鏞

道光二十五年接李本中任

李均

綏德附貢道先年署任

白廷彥

字彤襄清澗例貢鎮安訓導咸豐年調任

張澤霖

綏德附貢咸豐年任

張林芾

咸貢咸豐十一年任

楊翰藻

清澗舉人同治年任

范仰正

邵陽縣舉人光緒二年任

萬恒印

字溶川鄆縣貢生光緒八年到任十七年去任

王克昌

洛川縣咸貢光緒十七年任

安全文

綏德咸貢光緒二十年任

牛林

三原縣慶貢光緒二十八年選授

史自謙

安定縣貢生光緒三十四年任

懷遠縣典史

孫光翰

大興人道光二十五年任

顧學崇

咸豐二年接孫光翰任

吳失名

同治年任

橫山縣志

卷一

十六

榆東順齋石印

鄒仁鑑

四川華陽人光緒十年任

李自新

山西萬泉縣人光緒十三年任

李映庚

安徽人光緒十八年任

江巨梓

江西人光緒二十五年任

祝祖祐

湖南人宣統三年三月到任

延綏中協波羅叅將

延綏中協自順治十年移駐波羅歷任姓氏均載舊志茲由李嘉猷始依次續誌又皇胡二人原志不列特補拾遺

清

皂常保

嘉慶四年任

胡定邦

蘭州人嘉慶二十一年任

李嘉猷

四川人道光二十六年任

松齡

滿州鑲白旗人咸豐元年任

福厚

滿州人咸豐二年任

蕭鳴章

咸豐三年任

袁學忠

甘肅人咸豐六年任

博勒忠武

滿州正黃旗人咸豐八年任

張維義

甘肅人咸豐九年任

阿章阿

蒙古正白旗人咸豐十年任

德貴

滿州鑲白旗人同治三年任七年正月十三殉難

特和布

滿州人同治九年任

王雲孚

湖南寧鄉人同治十年任十二年去任光緒二年復任

壽成

滿州人同治十二年任光緒元年調署延安

譚吉士

湖南人光緒十五年代王引見署任

羅恒豐

府谷人光緒十九年接王任

彭壽

到任年月未詳

長慶

字○齋滿州鑲黃旗人光緒廿年任廿五年調署定○廿六年回任宣統二年任

瑞祥

北京人光緒二十三年代署長慶任

張得勝

光緒二十五年代長任

吳成基

字星垣甘肅金縣人宣統三年任

波羅營守備

按吳邊羅三人舊志不列故補入又經德志霍萬仍清初任波羅守備又張士俊為波羅守備同治二年陣亡平涼古城堡

吳廷楷 嘉慶六年任

邊奏凱 嘉慶七年任

羅光元 嘉慶八年任

于萬春 甘肅皋蘭人道
光二十九年任

楊清 江西萬載縣人
咸豐二年任

王大勇 咸豐五年任

呂松堯 同治四年任

姜夢熊 甘肅皋蘭人
同治八年任

趙天福 年月未詳

唐萬勝 都司銜

陳忠信 甘肅人同治年任

趙士林 光緒年任

陳克崑 湖南人光緒十年任

楊先庚 榆林人光緒十二年任

徐步蟾 字鳳樓湖南采陽人由武舉任黃甫守備同謝調署

謝東海 字永安長沙人光緒十九年任廿四年病故

楊先甲 榆林人光緒二十五年任

胡培 榆林人由鎮標千總調署光緒二十九年任

嚴永壽 華陰人武進士光緒三十一年任

穆克金額 北京正白旗人宣統二年任反正遇害

懷遠堡千總 道光元年設

王得勝 道光二十年任

馮懷忠 道光三十年任

張瑞 舉人咸豐丙辰任

潘富生 波羅人咸豐五年任

李士成 榆林人同治十二年任

田豐 邵陽縣人武舉光緒二年任

橫山縣志

卷一

十七

榆林東順齋石印

李得魁 瀋陽人由魚河堡千總署光緒三年任

劉尊五 字子美榆林人光緒五年任

呂雲祥 字煥五榆林人光緒十年任

盛萬山 榆林人光緒十八年任

王增盛 榆林人光緒二十五年任

杜生春 榆林人光緒三十二年任

波羅堡把總

楊福鑿

胡步瀛

胡建邦

劉立景

郝聯芳

陳印 署任

鍾秀

潘富生

響水堡經制

折鴻 道光六年任

劉萬順 道光年任

韓魁 榆林人咸豐二年任

王國棟 咸豐七年任

何玉珍 波羅人咸豐年任

姚富 咸豐十一年任

賀鳳雄 儘先把總同治十二年任

李獻奇 湖南人光緒年任

田長貴 南京人光緒十年任宣統二年病故

王兆元 光緒二十九年署理

周餘德 宣統三年七月代田缺

清平堡經制

邊廷玉

王錫恩

張步魁

以上波羅人

波羅堡經制

王培吉

劉順

苗福元

懷遠堡守備

李邦楨

懷遠堡守備康熙五十九年任

明代軍官有名可稽者具詳舊冊其續見於碑銘者仍錄如次

明軍官

王學禮

分守波羅保寧等處叅將都指揮僉事明萬曆年任

梁繼祖

同上

龔成

同上

徐鸞恩

懷遠堡把總綏德衛指揮同知正德十一年任

武靖

懷遠坐堡綏德衛正千戶正德十一年任

王士琚

威武堡守備綏德人

馮大梁

懷遠守備都指揮萬曆二十三年任

陸道

懷遠堡坐堡千戶

麻崑

守備懷遠堡大同右衛都指揮僉事萬曆三十二年任

崔世榮

懷遠堡守備都指揮萬曆三十二年任

李茂春

响水堡坐堡榆林衛千戶嘉靖年任

樊國華

所正千戶嘉靖年任

橫山縣志

卷一

十八

榆林東順齋石印

吳傲先

响水堡坐堡綏德衛中所百戶嘉靖年任

武峯

响水堡坐堡榆林衛百戶萬曆年任

楊成

响水堡坐堡榆林衛百戶萬曆年任

張嗣亭

响水堡操守指揮同知萬曆年任

郭顯

响水堡坐堡綏德衛正千戶天順元年任

王聰

响水堡坐堡千戶嘉靖年任

邢正保

响水堡坐堡千戶嘉靖年任

劉勣

响水堡坐堡千戶嘉靖年任

解臣

响水堡百戶

張聰

响水堡百戶

張爵

响水堡百戶

汪智

响水堡百戶

王斌

响水堡坐堡榆林衛千戶嘉靖年任

左恩

响水堡千戶

李新芳

响水堡操守指揮天啟七年任

王貴簡

波羅堡坐堡天啟年任

白綱

原任威武守備

王平

响水堡坐堡天啟年任

陳時英

响水堡坐堡天啟七年任

張淮

响水堡千戶

張鷟

响水堡把總綏德衛指揮僉事嘉靖年任

吳江

响水堡把總綏德衛指揮僉事嘉靖年任

張沛

坐營中軍指揮同知嘉靖年任

解鏞

守備都指揮嘉靖二十年任

解正

清平都指揮嘉靖二十九年任

賀鎮

綏德衛指揮僉事嘉靖年任

竇頊

綏德衛指揮僉事

竇鎮

波羅守備嘉靖年任

李寬

綏德衛指揮僉事

李柎

綏德衛指揮僉事

竇鏞

騎兵營指揮僉事千總嘉靖年任

來保

榆林衛指揮响水堡操守萬曆年任

趙武

欽依响水堡地方榆林衛指揮僉事隆慶五年任

劉棟

威武堡正千戶

劉公

威武堡正千戶

劉勛

延綏中軍百戶
嘉靖年任

李經

榆林衛千戶武舉

李華

總管百戶
隆慶年任

張棟

武進士操守响水堡地方榆
林衛人隆慶二年任

蔡真

响水堡坐堡百
戶萬曆八年任

王朝林

綏德衛千戶操守
中軍隆慶年任

楊吉

响水堡坐堡榆林衛
千戶隆慶五年任

梁富國

原任靈州參將
萬曆年任

王大化

綏德衛千戶

劉溥

潼關衛鎮撫波羅
參守天順年任

劉瑛

陝西都司都指揮
僉事天順元年任

白守泌

榆林衛千戶天
啟二年任

臧世惠

榆林衛千戶
天啟年任

喬宗生

綏德衛百戶
天啟年任

白慎為

榆林衛百戶
天啟年任

白胤璽

綏德衛百戶
天啟年任

吳秉志

千戶

吳秉恩

千戶

吳秉恕

千戶

折宗儒

榆林衛坐堡千戶

馬世卿

永益倉吏官

補前代文武職

夏州朔方節度使

按縣境唐初為巖綠縣貞觀二年改曰朔方仍為夏州治府志載朔方節度使於唐開元九年置是朔方節度使當時轄境雖廣其駐守朔方無疑因悉摘錄

唐

常謙光

德宗初益夏節度使

戴休顏

夏州人德宗時朔方節度使

杜希全

醴泉人貞元三年

韓潭

貞元十二年夏州節度使

韓全義

貞元十四年夏綏鄜節度使

李濱

元和三年夏綏節度使

張煦

憲宗時夏州節度使

李愿

洮州人晟子夏綏節度使

傅良弼

清河人文宗時夏州節度使

李寰

太和二年夏州節度使

米暨

會昌六年夏綏銀節度使

李福

大中五年夏綏節度使

拓拔思恭

咸通末權知夏綏銀節度使

董重質

夏州節度使

諸葛爽

夏州節度使

橫山縣志



卷一

二十

榆林東順齋石印

李祐

夏州節度使

定難軍節度使

治夏州

五代

李思諫

梁開平初

李彞昌

開平三年定難留後

李仁福

梁太祖時唐長興初

李彞超

仁福子唐長興四年

安從進

長興四年定難留後

高允權

漢乾祐中節度

李彞興

彞超弟超卒衆推為留後

李彞殷

天福八年

孫漢韶

周廣順元年

李克睿

彞興子夏史

夏州總管

北周

長孫儉

洛陽人天和四年

隋

豆腐勣

昌黎人開皇三年

豆腐通

昌黎人

吐萬緒

開皇十一年

龐晃

開皇十六年

王景

開皇十八年

夏州都督

唐

王方翼

并州祁人高祖時

張亮

滎陽人高祖時

薛岑

尉遲恭

河南人貞觀八年

甄宣

中山人天后時

樂容

姜協

夏州刺史

北魏夏州刺史治岩綠領化政等四郡西魏北周因之唐夏州刺史本朔方郡五代皆無考宋為知夏州

北魏

大興

太和十一年

陸麒麟

代人大和初

穆羆

代人孝文時

李肅

趙郡本棘人明帝時

原子雍

明帝正光五年

庫狄迴洛

代人莊帝時

橫山縣志



卷一

二十一

二十一

榆林東順齋石印

怡峯

遼西人文帝大統二年

宇文貴

代人大統時

李和

狄道人大統時

穆清休

代人

劉平伏

大統七年

斛拔俄彌突

大統中

北周

王雅

新固人保定初

陰嵩

武威人

路彩

李和

岩綠人周文時

唐

時常春

建中四年

拓拔乾暉

賁元二年

韓潭

貞元十二年

陳履華

知夏州

後陷西夏

宋

孫行友

清苑人淳化五年

李克文

夏州人太平興國五年

尹憲

雍熙二年

安守忠

雍熙二年

李繼筠

鎮統萬將軍

北魏

和歸

代人太武時

樓伏連

代人太武時

豆代田

代人太武時

尉元

代人太和時

大興

太和十一年

莫雲

太武時

王素

太武時

源延伯

明帝時

夏州都巡檢

宋

曹光寶

太平興國五年
雅州百丈人

夏傳

梁迥

党項傳

夏州團練使

宋

橫山縣志



卷一

二十二

榆林東順齋石印

趙元嗣

宋至道元年

夏傳

選舉志

拔貢

張大成 波羅堡人道光年
 孫夢槐 响水堡人咸豐十一年辛酉科
 劉仲元 响水堡人同治十二年癸酉科
 曹子正 响水堡人光緒十一年乙酉科
 王慶雲 响水堡人宣統元年己酉科
 李駿材 清平堡人宣統元年己酉科
 貢員 恩貢歲貢

黃志士 清平堡人道光二十四年歲貢
 曹三卿 响水堡人道光年歲貢
 楊景青 道光年歲貢
 徐肇墓 道光年歲貢波羅人
 李鶴齡 咸豐年歲貢
 李遐齡 咸豐年歲貢
 曹鳳翥 字鸞翔咸豐七年歲貢响水堡人
 梁禹甸 咸豐年歲貢
 李含容 咸豐年歲貢
 魯述周 咸豐年歲貢
 曹麟祥 清平堡人
 李實成 同治年歲貢
 李實嘉 同治年恩貢
 張肇仁 同治年歲貢
 李德容 同治十一年歲貢
 邵其祥 同治年歲貢
 楊士傑 景青侄同治年歲貢

橫山縣志

卷一

二十三

榆林東順齋石印

李子芳 同治年歲貢
 韓登印 同治年歲貢
 邊蔚然 同治年歲貢
 曹連魁 同治年歲貢
 雷遇春 同治年歲貢
 張學孔 波羅堡人
 王治平 光緒元年歲貢
 思殿魁 光緒十年歲貢
 李錦春 光緒年懷遠堡人
 李植 光緒年歲貢
 齊登榜 光緒八年恩貢响水堡人
 白映輝 光緒十三年歲貢响水堡人
 武鳳揚 光緒年歲貢
 曹子忠 光緒十五年歲貢响水堡人
 魯致文 光緒十八年歲貢威武堡人
 曹子期 字慕鍾鳳翥子光緒十七年歲貢
 思殿勳 光緒十八年歲貢波羅堡人
 雷啟祥 光緒二十一年歲貢
 雷啟華 光緒二十八年恩貢波羅堡人
 王興業 光緒二十八年歲貢懷遠人
 李乙山 光緒三十一年歲貢懷遠堡人

武舉

王瑞蘭 波羅堡人同治三年甲子科
 霍永祥 清平堡人光緒年

文職

方澄清 道光二十五年選授高陵縣訓導
 曹定國 布政使司理問
 李子芳 候銓訓導

孫夢槐

甘肅即用直州判

曹鳳翥

候銓訓導

梁禹甸

候銓州判

曹子期

鳳翥子部銓訓導

劉仲元

候銓訓導

曹子謙

儘先州吏目

魯述周

河南候補縣丞

曹子正

候銓州判

王慶雲

朝考二等四川按察使司經歷

李駿材

山西補用州判

武職

何步增

新疆和闐營遊擊

唐萬勝

四品頂戴花翎銜山東威海衛都司

潘富生

懷遠營千總

周廷蘭

米脂把總同治元年任

邵虎年

米脂把總光緒二年任

蕭進喜

延長縣經制六品軍功

何九錫

鎮標左營經制

思生華

鎮川堡經制六品軍功

吳蘭馨

武生鎮川堡經制

白金玉

武生經制外委

王起鳳

米脂魚河把總

牛開山

清平堡經制外委

蔭襲

左騰蛟

世襲雲騎尉同治七年正月殉難

薛九錫

世襲恩騎尉

橫山縣志

卷一

二十四

榆林東順齋石印

朱錦芳

世襲雲騎尉

朱繼業

世襲雲騎錦芳子同治七年正月殉難

軍功

吳步福

六品軍功

閻步喜

六品軍功

朱嘉材

六品軍功

陳有年

六品軍功

杜岐

六品軍功

薛占鰲

六品軍功

曹三德

庠生五品軍功

王夢姜

五品軍功

曹開科

六品軍功

曹鳳翥

貢生六品軍功

朱魁

五品軍功

朱釗

六品軍功

曹鳳儀

六品軍功

曹子方

六品軍功

殷仲元

五品軍功

雷際春

五品軍功

廖步清

六品軍功

廖步增

六品軍功

陳士信

五品軍功

鄉飲介賓

曹三卿

高選

梁世偉

各級學校畢業生員

大學專門

曹思聰 日本東京法政大學法科
民國六年六月
曹漢傑 北京平民大學政經學系
民國十五年

黃執中 北京中國大學英文學系
民國十七年
李紹膺 國立師範大學英文學系

高等教育

王慶雲 陝西三原宏道高等學堂
光緒三十年選上舍生
李迎春 陝西高等巡警學堂

李駿材 陝西三原宏道高等學堂
光緒三十年選上舍生

師範教育

曹思聰 陝西師範兩級學堂
初級完全科民國二年三月
李時 陝西兩級師範學堂初級
簡易科光緒三十四年
柳登春 陝西省立第四師範學校
民國十五年

曹思溫 陝西兩級師範學堂初級
完全科民國二年三月
杜紹甫 陝西省立第四師範學校
民國十五年

橫山縣志

軍事教育

李紹白 廣東黃浦陸軍軍官學校
民國十四年
喬九齡 廣東黃浦陸軍軍官學校
民國十六年
雷雲孚 廣東黃浦陸軍軍官學校

張漢才 山西陸軍斌業中學校
民國十五年
李文彬 山西陸軍斌業中學校
民國十五年
楊啟春 廣東黃浦陸軍軍官學校

中等教育

李逢潤 曹思超
曹漢傑 黃執中
李紹膺 民國十二年由陝北榆林中學校

谷占峯 以上民國十年由陝北聯合縣立榆林中學校
李紹白 民國十二年由陝北榆林中學校

鄧學禹 曹丕英
陳振善 錢維新
趙崇禮 趙生英

曹丕傑 以上民國十四年由陝北榆林中學校
民國十六年由陝北榆林中學校

管相齊

徐鴻謨

民國十六年由天津南開中學校

薛映暄

民國十六年由太原平民中學校

李樹林

陳憲章

邵三春

王懷智

吳世彩

曹丕芳

邊維遠

以上係民國十七年由陝西省立第六中學校

白興耀

曹丕旺

閻守功

十八年由省立第六中學校

人物志

忠畧

明

傅

釗 威武堡人蔭襲鏗兄也勇武絕倫饒有氣節弘治時為寧夏總兵官
軍紀整作朔漠恬服

清

胡茂禎

字永盛晚號雙峯縣屬波羅堡人少時家貧負有大志初為本營卒
嘗指月為誓明末亂起從翻山鷄高傑勇果善戰所向克摧傑鎮守江
北泗淮以茂禎為先鋒傑死史可法閣部命為南京閣標大廳清軍南
下全軍受撫以擅運礮術擢徽州鎮總兵旋以平三藩功選湖廣提督
威鎮江南考清史叙茂禎陝西榆林衛人明總兵福王時大學士史可

橫山縣志

卷一

二十七

榆林 東順齋石印

法督師以茂禎為中軍本朝順治元年豫親王多鐸南征茂禎來歸二
年授鳳陽總兵三年調甯國總兵四年調徽州總兵五年正月叛鎮金
聲桓党潘永禮陳九思汪老五汪伯昇等結寨大山蹂躪徽州諸縣茂
禎剿土賊於榆村西溪南吳村西坑等處皆有斬獲三月賊陷祁門黥
縣茂禎趨救賊已入休寧茂禎遣參將孫走策遊擊趙亮楊鳴鳳分門
攻擊自督兵復其城事聞命戴罪立功復分兵夾擊黟縣賊敗走永禮
退回饒州四月賊攻婺源茂禎合戶部侍郎敖童兵水陸堵禦九月追
斬九思於潭口青石焚其新舊營十月敗賊祁門擒歙縣巨寇吳國禎
十二月分兵四路追勦伯昇老五破其木關擒老五餘賊潰江南總督
馬國柱奏茂禎智勇兼優調度有方請叙功下部議加都督僉事十年
經畧大學士洪承疇疏言茂禎營內兵丁多係山陝關遼慣戰士卒令

自選馬步兵八百赴湖廣軍前詔如所請十二年三月加都督同知元經畧後標總兵官時明桂王將李定國遁南寧而盧明臣馮雙禮等復自辰州趨陬溪龍灣頭逼常德茂禎偕提督李本深總兵楊遇明張鵬程敗之於河澗山口明臣墮水死雙禮遁十月加太子少保尋調貴州總兵十六年承疇以茂禎病入奏部議休致得旨鎮臣職守關係甚大胡茂禎雖稱有病今已痊可亦未可知仍着察明議奏旋經督撫奏患病屬實請令回籍調理康熙元年八月上念茂禎素有才幹令兵部查用九月授寧夏總兵加右都督僉事三年擢湖廣提督以老休致十八年卒賜祭葬如例

魯光昌 威武堡人康熙十四年從大軍協討周世民之亂功遷遊擊後進軍四川削平吳藩任江南總兵

橫山縣志

卷一

二十八

榆林 東順齋石印

楊景青 波羅堡貢生慷慨大義博學深究著有覺迷編警世言同治七年正月匪陷堡城一門節烈男婦死難者七人賊入宅景青手刃無算罵不絕口鋒鏑交加體無完膚卒以壯烈殉難子士傑亦死焉

吳豐年 波羅堡人同治七年狗匪攻城正月十三日晨賊燬南門紛擁入城豐年手持大刀冒前大呼擊賊終以援絕刀竭中彈身亡體寸磔如泥周廷蘭 波羅堡人以軍功任把總同治七年狗逆陷城廷蘭身先士卒截堵賊路頭部被彈殉難

潘富生 波羅堡人懷遠千總同治狗亂富生旋里力任防賊城陷時持械力鬥受傷身死於難

朱嘉材 波羅堡軍功同治七年狗衆圍城嘉材守禦南城晝夜罔懈城破之日賊聳雲梯闖入嘉材奮勇直前飛石擊賊賊衆猝至自刎而死

陳有年 波羅營軍丁賊匪入城有年宅當賊衝持械殺賊卒力竭被害
鮑三綱 清平堡人同治狃亂逼近人人自危三綱南征初返勇決果敢聯合
各堡整飭團紀以保衛桑梓為己任並嚴訂團規有事如約集合聽命
指揮無事則逡巡偵伺守望相助聲威震攝遐邇賴安七年正月匪破
靖邊詐充官軍來襲遂猝遇害鄉里惋惜

義勇

余萬榮 清平堡人綽號背鍋道光二十六年縣吏苛徵民深銜怨萬榮秉性
剛勇糾合縣民拓兆祥周日祥謝九如等呈述苦狀縣令以違抗功令
申憲逮治萬榮集眾堅拒府控弗應相率赴省投訴府道交恨指為叛
逆請兵痛勦捕兆祥等下獄案鞫九如復被郡守囚禁萬榮冒死詣京
叩閤下戶部尚書嚴厲參處准革除積弊頒布全陝邑人德之鑄鐵誌

橫山縣志

卷一

二十九

榆林 東順齋石印

功

拓兆祥 清平堡人見義勇為勁強不挫道光二十六年同萬榮議拒苛斂府
道指為奸細倡亂申請陝撫捕治兆祥鞫研至再笞梏拷掠備極慘酷
兆祥體無完膚誓死不屈比至部判釋歸仍力任艱鉅其忘身急公為
民請命實罕覯焉

屈 燦 响水堡貢生剛介好義鋤強扶弱人皆懷德畏威里俗為之不變
魯述周 威武堡貢生秉性慷慨勇敢有為同治六年冬狃匪王登相率眾猛
撲馮家峁崖窟述周督團往禦斃賊二十餘人奪回靖定被虜婦女分
別遣歸以所獲資財分散丁眾次年賊帥馬正和東犯率丁堵殺連戰
中槍墮馬而死子致武往援亦被執遇害

杜天民 清平堡柳樹灣人富而好義同治初年匪擾鄉里天民傾家練團防

禦有術地方賴以安全後遇獬營於毛吾素戰亡

王生雲 清平堡鴻市川人同治六年獬匪攻高窩子生雲父子力斬賊首數級焚掠益慘生雲奮身下寨格賊陷圍而死

孝弟

張懷春 懷遠堡張家瓜人至行過人父早亡事母二十餘年凡起居寢饋恒自檢點侍養無懈

袁世俊 清平堡李邱家坪人性孝友同治初父年五旬家營店棧時寧夏將軍某公子道經渠村其父執役觸怒鞭笞凌死世俊年幼誓毀身圖報
葬訖隻身潛往伺某歸暗懷利刃尾擊會晚演劇廟中某至扈從羅列世俊乘機揮七猛刺而死衛兵嚴捕急遯回里人稱孝勇兼全

白映輝 响水堡廩貢事母至孝於温煖饋膳昏定晨省悉委身操持畢生無

橫山縣志

卷一

三十

榆林東順齋石印

間

王殿臣 波羅堡人幼失怙母病癱瘓每出輒負代步家貧無以自給恒典質衣物為沽新鮮菜脯菽水承歡孝行殊篤

梁培元 波羅堡諸生性孝友父母盛怒必跪受杖畧無怨懟雖年逾不惑猶嬉笑親前一如孩提鄉里稱之

牛開山 波羅堡額外性謹厚事母至孝人咸欽敬不置

曹三多 字祝卿响水堡廩生淳樸和易篤於友于弟三德幼嗣叔父貧甚多愛弟逾恒給資經商外復勻分財產挈歸同居雖寸絲粒粟不私諸已
昆仲勤儉敦睦均致巨富其友愛遜讓實為人所難能

劉生財 波羅堡人同治獬亂舉家喪亡生財負母避難卒得安全其母年逾七旬出告人命孝事為謹

何正女

縣屬農民

家居壙灣

幼失怙事母孝飲食作息必秉親意母老雙目

失明正女中年喪偶凡烹膳縫紉埽滌污穢從無厭懈母歿喪葬盡哀

咸稱知禮

王定邦

響水堡東馬昂人母寡侍奉至孝家貧苦刀傭工易甘旨以承親歡

至老不倦

韓存仁

清平堡人年幼喪父事母至孝堂上飲膳事必躬親從不假手家人

終身如一日焉

許登高

清平堡人秉性忠厚友愛過人同治狃亂家奇貧兩弟尚幼登高提

搶避難奔走忘勞及長均為娶室和睦至終

黃憲章

清平堡人父璉年老不育螟蛉憲章其母凌詬事之愈敬儼若生母

每值母責恒愉顏順受暑無違觸鄉人德之

橫山縣志

卷一

三十一

榆林東順齋石印

雷啟祥

波羅堡廩貢忠厚和睦孝友性切同治初城陷雙親死難啟祥孝事

叔孀不亞父母晨夕省問至忙罔倦胞弟啟華幼有足疾撫養成立愛

護倍至子侄咸列膠庠享年七旬有三

白步成

波羅堡傭工也幼喪父孀母以孤寡奇貧致患瘋狂步成苦力傭作

所得工資悉數進母母病侍奉益勤數十年如一日及歿哀毀異常人

稱孝子

邊九春

波羅堡口外人幼年失怙母思氏青年守寡事之至孝母病篤寢食

俱廢默祝願以身代

蔡海泉

波羅堡人父順成病癱瘓手臂伸縮失常每飯海泉必跪而進食至

八年久

李寶林

响水堡東馬昂百戶諸生寄情山水事伯母至孝朝夕問膳寒暑無

間

李發元 响水堡庠生事父母以孝聞於鄉里
賢哲

徐肇基 波羅堡歲貢賢明有碩德懷地風氣錮陋人鮮讀書道光季肇基設
教邊地二十年學者濟濟風教一時翕然

梁禹甸 清平堡貢生弱冠過目成誦以文學名急公廉惠德行為地方先子
孫均列膠庠

曹三德 字敬宣响水堡庠生英敏慈祥博學嗜吟著有晚香齋四集正直好
義捍衛地方安危五十年歷任邑令咨訪疾苦倚若長城同治六年甘
狷荼毒縣境公練團修城不遺餘力嚴冬匪衆攻堡兩次德倡率子弟
給衣散食協力防守卒得保全光緒三年飢饉洊臻餓殍塞途德發粟

橫山縣志

卷一

三十二

榆林東順齋石印

助賑義粟仁漿全活無算人雖云亡而閭井追思弗忘民國十三年詳
請褒獎奉大總統令褒給樂善好施

梁殿元 清平堡諸生禹甸之弟也為人勤公慕莪矢志正直光緒三年辦理
賑濟歌頌載道其子兆臨兆恩皆身列膠庠克紹父志

李鶴齡 懷遠堡歲貢聰明好學苦攻不倦以文學擅名士林交推

李子芳 懷遠堡廩貢沈毅剛明垂教四十餘年訓諸生以勤儉為立身之本
一時邑中英俊咸出其門

齊登榜 响水堡貢生性剛介善博覽訓士以經史哲理為體以詞章苑藝為
用循循善誘栽成後進甚衆生平屏絕鬼神風水晚年講學蠶桑風化
鄉里尤深

義行

魯宗聖 威武堡人慷慨尚義饒有資財道光二十三年淫雨成災飢民遍地宗聖惻然開倉賑濟四百石初設廠施粥嗣人月給米四升如是半年活人甚衆

曹鳳翥 响水堡歲貢仁慈和易樂善好施同治初狃匪攻城鳳翥時營當商以錢粟衣裘悉數捐助城防毫無吝色事定荆棘滿地疫疾流行復廣施葯餌活人無算

徐成善 懷遠堡口外人見義勇為邊外無定河泛濫靡常行旅時遭溺沒成善獨力捐財脩治津梁行人便之

邊生仁 波羅堡口外人年幼失怙昆仲五皆幼弱生仁苦耕薄田中年喪偶誓不再娶撫養諸弟茹苦忍飢者二十餘年其後蘭泰俊和四人依次成立家漸殷實

橫山縣志

卷一

三十三

榆林東順齋石印

節婦

魯從周妻王氏 威武堡人年十六于歸夫即病亡氏恪遵遺囑孝事姑孀自矢靡他次年遺腹產男致文八歲受學教養入泮同治狃亂氏扶姑避難山中採食藜藿姑歿毀哀逾恒

鄭生祿妻李氏 威武堡人年二十四夫歿勵志守節子二均幼家徒四壁氏食草衣縷貞志愈堅卒年七十二歲

閻羔兒妻管氏 清平堡榆林衛百戶人年十九守節遺子周歲嗣兄亡嫂嫁並撫侄成立力全兩祧年六旬猶勤作不倦

廩生張成恩妻王氏 威武堡人二十五歲夫亡矢志守節三十歲堅苦持家廖步青妻王氏 波羅營領旗年二十九夫死清白自勵豪右某羨氏姿首夤夜入犯氏痛罵力拒卒以節終

思曹氏 波羅堡二石碓人年二十三夫死無嗣時翁姑俱歿遺腹纔及六月族某垂涎資產氏立近支侄為嗣藉阻群議甫為娶媳而侄又殤亡鄰婦某氏無行誘媳非為氏恐玷家風亟出之益閉戶屏絕茹苦勵志者四十年始終無間撫子殿鈞教讀入泮持家有聲

光緒十二年陝西學政柯逢時旌表其門曰節孝堪嘉

道光二十五年知縣初慶鄴題請陝西巡撫

富奏准建坊旌表

曹子修妻李氏 響水堡人青春喪夫貧無瞻養勵志抱璞恃十指縫紉撫育子女成立

王夢熊妻邵氏 清平堡人年二十夫死氏慟不欲生嗣以姑老乏養茹苦守節鄰右勸其改嫁氏嚴拒之姑疾躬伺葯餌衣不解帶者五年姑死毀哀成禮

自經內室

道光十三年旌表其門

橫山縣志

卷一

三十四

榆林東順齋石印

郭鳳彩妻王氏 响水堡羊圈梁人二十四歲夫亡苦志守節至老母倦年六十九卒撫育二子先後成立

左登桐妻雷氏 波羅堡口外家焉同治七年登相守城死難遺孤七齡家貧如洗親族勸其再醮謀生氏以婦一而終志不少奪晝芸夜績忍飢茹苦不綴輟子騰芳亦成立有聲氏年九旬有七歿曾玄滿堂五世同居

余生富妻劉氏 响水堡馬坊嶺人年二十二歲守節子女各一同治六年狗亂子病殤嗣子余榮克紹箕裘氏八十三歲壽終

楊步尚妻白氏 清平堡人子媳早夭遺孫襁褓同治六年狗匪破寨步尚病篤不起囑氏撫孫延祀氏抱孫逃匿山谷日採草籽啖孫苦志撫育命名鳳山氏卒年八十有六

張永成妻楊氏 家波羅堡同治七年城陷夫殉氏撫孤鳳岐清白自持並勤

耕園圃事姑至孝卒年七旬有三

曹鳳樓妻雷氏 响水堡人青年喪夫勵志完節撫前室子如已出次子振教養入泮女二均嫁名門克盡孝道

李艷華妻葉氏 响水堡馬昂百戶人青年守節事姑至孝家貧乏嗣艱卒卓絕鄉里咸稱節孝

張鳳鳴妻尤氏 波羅堡人鳳鳴充本營馬兵歿時氏年二十九歲遺子一女二家貧為人浣衣補綴茹苦度生撫孤成立

王起鳳妻李氏 咸豐年起鳳由把總南征陣亡氏聞耗痛絕三日復甦柏舟矢志艱苦備嘗撫孤運順克承母訓

吳朝相妻員氏 波羅堡人年二十七夫亡子甫三歲而天親戚勸改嫁氏泣拒毀容以步福為嗣堅苦完節孝事翁姑

橫山縣志

卷一

三十五

榆林東順齋石印

葉三之妻陳氏 波羅堡人同治七年夫殉難遺腹六月生男六兒貧寒無倚氏勤女紅撫遺孤成立壽至八旬有三

張 吳 氏 波羅寨城梁人年二十六夫歿遺孤纔三月氏勵志完節家僅薄田數畝晝事耕耘夜勤績紡飢寒備嘗壽至七旬有九子孫縣縣男生秀尤善承母教

邊 思 氏 波羅堡口外邊家灣人二十四歲城陷夫死子九春甫周歲氏勤操井臼上事孀姑下撫幼孤克盡孝慈人稱其賢

邊 王 氏 波羅堡邊家灣人同治七年城陷夫殉難氏艱苦萬狀教養孤子九升成人克勤克儉家道隆盛說者謂為貞節之報

王 馬 氏 波羅堡大石碓人于歸未匝歲夫病死氏哀慟幾殉遺腹生男名二福兒夏耕冬績治家勤勞其凜然冰霜殆凋後之柏也

劉生富妻周氏 波羅堡口外人年二十歲夫亡無子以女弟男為嗣勵志完貞壽至八旬

曹王氏 波羅堡人同治時携子女避徇亂以顛沛不給輒忍痛骨肉鬻生女而留螟蛉以存宗祧茹苦堅志傭工香房終身無間子俊聲克振家

劉某氏 波羅堡人劉有元之祖母也年二十三夫亡撫孤完節冰霜矢志嘗嚙指為誓茹苦四十餘年

馬永盛妻楊氏 威武堡宋安百戶人年十八夫亡守節撫孤安國孫掄元俱成名入泮五世同堂氏卒年八旬有三陝西學政樊奏旌其門曰松柏堅貞

廩生齊整之妻王氏 响水堡孫欽百戶人年二十五夫歿氏秉承庭訓敬事翁姑志矢柏舟節操凜然並助兩親勤課蠶桑儉約成家風化一鄉翁姑卒殮哀毀盡禮子治東在東亦克紹世澤

橫山縣志

卷一

三十六

榆林東順齋石印

烈女

思曹氏 居波羅堡口外海流兔河思懷珍之祖母同治徇亂被虜氏具姿首百辱不屈賊衆積薪縱火逼欲犯之氏大罵激賊怒縱身烈焰猶罵聲不休卒至肢焦腦潰志不少奪其節烈大義洵使丈夫奪氣

張步月之妻王氏 家清平堡土梁橋同治七年春徇象西竄被擄中途賊涎氏貌威逼至再持刃擬頸氏力拒婉謝卒不得犯天明載之以行及夜賊復逼辱氏曰我不慣於屬目之地為此醜行爾積我感恩我將報之夜深氏佯手紉不輟窺賊酣睡急抽厨刀猛截賊首賊衆聞聲畢至而氏已自刎血肉狼籍矣
孟菊花 响水堡口外龍泉墩孟五之女年十六秀外慧中貞烈自失初菊花幼字史姓子嗣史凌替父忽悔婚得金五百改許某軍官為妾納采之日女覺潛然絕食數日吞毒而死

隱逸

定海 響水堡盤龍寺僑僧明敏好學透悟禪理善書法教戒清淨為一時冠寺佛原祀石岩海移建山巔法教昌明

普慶 波羅堡南五龍山法雲寺僑僧少受六戒聰明機警風儀雅度凜然有儒者懷襟其參禪禮懺清淨訓徒悉本釈教奧諦寺禪宇殿經營巍竅為一方勝景

方技

劉澤 博學多通尤精太乙六壬堪輿諸術推相竒驗遠近爭傳

張映月 字鑑卿邑廩生幼從父讀醫學精通藥性病理著有經驗竒方凡按症調治均立愈性和厚好施診踵求者雖雨雪不避鄉里德之

橫山縣志

卷一

三十七

榆林東順齋石印

前代鄉賢

北周

宇文貴 先昌黎人徙居夏州正光未破六漢拔圍夏州刺史源子雍嬰城固守以貴統軍救之前後數十戰軍中咸服其勇後有戰功加征虜大將軍進封許國公歷遷太保薨諡曰穆子善嗣善弟忻驍勇絕倫有將帥才畧位至上柱國進封英國公忻弟愷少好學襍藝多通

府志

隋

李和 朔方巖綠人少勇敢善戰有識度為州里所推初為賀拔岳帳內都督後從周文累遷夏州刺史尋為洛州刺史以功進上柱國和立身剛簡老而愈勵諡曰肅

李徹 字廣達巖綠人父和開皇初為柱國徹性剛毅有器幹多武藝大家

宰宇文護引為親信累遷儀同三司武帝時從皇子征吐谷渾以功賜爵同昌縣男高祖受禪加上開府後突厥犯塞徹領行軍總管擊破之左射僕高穎得罪徹素與穎善被忌不復任使後出怨言上賜宴遇鳩而卒

唐

李安遠 夏州人父徹隋上柱國雲州刺史世為將家以財雄少無檢以博破產晚乃折節儒書襲爵城陽公補正平令高祖授右武翊統軍從破突厥通又數從秦王征討畧封廣德郡公貞觀初統邏騎都下督盜賊歷潞州都督懷州刺史皆以幹用顯然急刻少恩由是損名卒諡安

李德饒 徹孫字世文弱冠為校書郎直內史省叅掌文翰轉監察御史糾正不避貴戚後為金河長德行為當時所重

揚朝晟 字叔明夏州朔方人以先鋒授甘泉府果毅建中初從李懷光劉文

橫山縣志

卷一

三十八

榆林東順齋石印

喜涇州斬獲多加騎驃大將軍懷光赴奉天難朝晟兵千人下咸陽實封百五十戶後為邠甯節度

戴休顏 夏州人家世尚武郭子儀引為大將諭平党項羌進封咸甯郡王兼朔方節度副使城邠州功最遷塩州刺史後遷奉天行營節度使與渾瑊兵破朱泚殘党加檢校尚書右僕射

五代

李彝超 夏州人仁福子後唐人明宗以邊患詔為延州刺史後為定難軍節度使

李彝興 超弟代兄為定難軍節度歷任唐晉漢周北漢劉鈞寇麟州禦之卒封夏王為西夏遠祖

李克睿 彝興子繼父為定難軍節度使嘗率兵破北漢吳堡寨以功加檢校

太尉卒贈侍中

李繼筠 克睿子權知夏州事授定難軍節度使

橫山縣志

卷一

三十九

榆林
東順齋石印

附錄

明

王家棟 明萬曆年進士

王永祚 明末官延安叅將聞懷宗殉國泣血誓師圖恢復尋以衆寡不敵被

吳三桂困於蒲城勸之降弗肯卒自刎清順治初照總兵例賜祭墓在響水

堡東王家坻

清

王從善 縣屬榆林衛庠生以子永威貴康熙四十二年誥封武德將軍

王永威 康熙二十六年丁卯武舉戊辰進士官大柏油堡守備

陳思信 縣屬懷遠堡廩生剛直好義善劍術同治七年縣城兩次失陷信倡

練團勇衛護鄉里數率勇剿殺狗匪卒遇難焉

橫山縣志

卷一

四十

榆林東順齋石印

王夢姜 響水堡馬昂百戶人幼倜傥有大志同治回匪亂後金將軍順統兵西征移節響水時兵食維艱君毅然以運糧為己任卒賴無虞並隻身擒巨魁馬明山置諸法將軍歎曰君真塞北奇士也丁丑歲大歉勸邑侯李賡伯倡議捐賑早為之備李公聽其言全活者甚衆

民國

魯進賢 邑廩生樸訥淳厚服務地方二十年從無倦色辛亥軍興縣城殘破不守賢首捐金二千兩商請邑侯秦公為倡苦心經營獨任艱鉅計脩崩傾處十四長百三十餘丈而城樓堞墻重新加脩外如學校孔廟縣府營房等工皆獨力規畫費丰功倍嗣長財政辦賑濟均能克已奉公十九年秋患疫病歿

